

徐仙翰藻

知四



徐仙翰藻卷之八

卿四

詞

親睦堂

調臨江仙

書畫琴棋行樂也一家和氣團團兒孫戲綵
滿堂前共傾一壺酒同祝大椿年心想黃庭

卿四

一

妙訣芽內養丹田蓬萊富貴絕神仙
字格袖惹御爐煙



燕喜堂

調千秋歲

鰲峰勝地山水多奇異成羅舊識君須記麒
麟天上種鸞鷲人間瑞而今也男兒果遂業

孤志年少登科第猶喜雙親在長祝願千千
歲老萊爛戲綵王母瑤池會同宴樂滿堂笑
調金樽醉

贈沈建翁

調相思引

山嶽精靈發玉融飛起作鰲峰山清水秀喜
事頗忽忽若問前程事與利但存方寸積陰
功植槐有識管取作三公

贈周全

調

坐堂清秀得意相携手霽月光風隨處有最
好吟詩酌酒秋來寒露淒涼何妨淡抹濃粧

更有籬邊黃菊看看晚節猶香

調周明

調更漏子

恬淡家風最好得意池蓮窓草憑几案倚闌
千清芳總一舫一堆半輪月不覺五更時節
燈報喜鵲傳聲來朝霽晴

贈林椿

調浣溪沙

是是非非滿世間不如學道煉仙丹依然長
嘯入深山三徑就荒誰作主菊松為友蕁門
關安身隱處白雲閑

贈章桂龍

調相見懽

風和日暖二三春雨晴天紅紫百花如錦柳
如綿高樓上珠簾捲主人家舊看重來雙燕
任踰躐

贈郭泳翁

調謁金門即喜遷鶯

雲意薄雨情濃二月百花紅來往客任西東

卿四

二

牛馬不同風山又青水又綠路遠羊腸九曲
好將心事付來人五五是前程

贈鄭汝顯

調應天長

燕子鶯兒相對舞賴有東君長作主雨又晴
晴又雨笑問桃花嬌不語日西山雲薄暮鳥

鵲倦飛歸去欲問前程好處團圓月三五

贈天一寺郭以立

調山花子

獨鎖柴門事不關世間何物等雲閑莫道無
心常出岫也知還我非烟非霧無中有襄王
巫夢錦衣寒一辨心香此是佞住名山

蒼合山僧德潤問緣法

調霜天曉角

虛空飛錫百丈傳衣鉢靜聽朝鐘暮鼓聲火
向心頭滅香滿金爐熱高峰頂上坐借問釋
迦佞子如何是阿屎窟

贈越山寺僧石徑

調點絳唇

一代因緣學宗興化聞知法寶聲無價真實
初非假臨際祖師還我曾祭假而今也聞鐘
便打放了鉗槌下

又

調玉樓春

清淨都來是佉法花藥欄中做生活雲門老

卿四

三

子大驚人好把話頭相問答這箇因緣無縫
塔還我德山一棒喝此去西天一萬餘走去
走來要要匝

修宮裁衣

調滿宮春

脩東墻補西壁事事參差不一人心堅處石

能穿大家同出氣力繡羅衣刺羅裳費盡千
針萬線工夫多處值錢多管取聲名高顯

又

調喜遷鶯

視無影聽無聲暗室有神靈朝非香夕非燈
方寸可留誠翻爲雲覆爲兩世事環回如許

蒼藤古木幾經春今又一番新

贈蔡畫士

調浣溪沙

好手丹青世共稱我曾曲贈畫堂春誰知妙
處會傳神四體妍媸本無闕眼睛不點要存
真長康元豈是癡人

又

調畫堂春

清風明月不論錢筆頭氣韻天然解衣槃礴
號真仙也是梳緣狀出神鬼并百怪濃烟淡
墨鮮妍人人都道賽吾賢

贈長邑人往湖南

調上平西

好狹兒四方志丈夫心騎白馬偶到花陰情
人對語話懷杯酒重斟相思何處為情郎再
整衣襟心中曲手中帕枕中笛袋中琴起來
唱作越吟床錦字勸郎須是學蘇秦好事如
人意佩印囊金

贈天王郭東堂之桐城 調菩薩蠻

桐城自有祇陀樹着衣持鉢修行處猛省問
前程前程路坦平莫辭千里遠須發菩提願
好事喜完成真人爲保明

勉蔡畫士

調歸自遙

卿四

四

君不見三島蓬萊仙獨占雲中擁出琉璃殿
籬牆門外白如練為粧點時時莫使塵埃染

荅林君舉問事

調西江月

謾說襄城居士且言賈島仙材文章進取有
梯媒都是功名在拾芥自有兒孫福分曾知

王氏三槐三郎果是三魁萬古聲名如在

贈龍船匠

調西江月

知道攀龍手段敢呈作揖規模中秋月夜到
天河平地人皆看我做出千年聲價共誇一
代風流錦標送汝作纏頭也勝豚蹄盃酒

賽情詩

綺羅香風三月節一片芳心遊漾難禁得起
動少年情發越何妨按拍調舌切莫負春光
空六六總是風流花市中人物既是賞花高
處立不須推出門前

贈閩縣宣差

列宿名流七閩上，寧筆頭造化陽秋。昔年建
邵父老喜攀留，果是官清如水甘棠樹蔭雲
浮。又聞道南安德政重詠與塗謳，今來花滿
縣潘君愛惜且母綢繆吾儂行樂也市井嬉
遊見說郵亭風月好景意思試問知不真有
箇錦堤千段聲價滿皇州

卿四

五

荅林廷玉問事

調山花子

身後身前不可猜，何妨削髮學如來。如來那
處往天台大廈嶺頭緣未到鏡臺何事拂塵

埃且向高高上頂坐做生涯

贈同事五人



聞道江村昨夜雪又見梅花白南枝消息報
春來雪與梅花一梯開好情懷折梅對雪渾
無語梅雪真如畫更添月照樓臺梅花雪月

意難猜兩三盃

徐仙翰藻卷之九

啓玄表 真君補職



伏以天門咫尺初無折檻之忠師省嚴明敢
有臨軒之請跼蹐罔措踴躍不寧臣其申謝

恭惟元師天師聖位法授先天道尊百世宣
示盟真之典永為未學之傳伏念臣某領職
行科盟心執戒豈敢私謀而獨任必須先奏
而後行自有典刑當拱左右手以聽罔失法
度必分東西頭之班無二爾心各齊乃位卜

消穀旦醮謝羅天為靈濟真人畧表謝忱恐
同壇法衆未遵妙訓齊心行道不敢為再三
瀆之謀罰簡有科深恐犯千條之峻

謝玄表真君補職

臣誠恐誠惶頓首頓首恭惟



元帥大法師聖位功參化育道達玄微惟川
澤之所汪洋莫不朝宗於海然日月之所臨
照誰敢戴盆益望天報效莫能精純徒竭罪恐
丘山之積功減塵埃之微幸下耳而曲從於
聲言而無棄伏念某洞真未達老耄無能靖
御四
惟薦章自謂得人輒加進用於仙階豈敢貪
功而竊位今徐某等蒙陞品秩錫以恩麻含
齒食毛均拜生成之德舞手蹈足同傾懽慶
之誠輒敢重言深慮獲戾

謝恩表真石

奏職

切以捍患禦災禮既嚴於祀典建功積善名
宜進於仙階神雖不可度思言固當為之敷
奏臣誠恐誠惶頓首頓首恭聞軒轅皇帝請
問於廣成子願聞至道之精散關令尹從事
於李老君欲究又玄之妙茫茫乎莫之所在
蕩蕩然吾無能名於太不終於小不遺其敦
莫樸其廣若谷萬物備廣與時偕行此為超
凡入聖之機有得守中抱一之學元陽玉曆
應當採擇其人太上寶章凝成自然之氣世
人誦之則延壽鬼靈聞之以昇仙各存宿命

因緣不可思議功德伏念臣心雖慕道材弗
踰人未能明金丹出鉛入汞之方輒敢任皂
囊奏事封章之責重念醜首某等托神之庇
遺我以安里稱靈濟之祠性稟聰明之德義
時暘肅時雨允符卜筮之占勲在國澤在民

卿四

七

猶記豐碑之彌染盛可薦黍稷非馨每遇三
元集福之晨常素一日致齋之戒仰荷天師
之福蔭俯膺帝命之寵榮徽號褒崇大名赫
奕事茂聞于古昔美獨備於方今茲蓋伏遇
昊天玉皇上帝玉陛下穹窿者天主宰者帝

均囿照臨之下夙稱覆燾之仁臣自慚地下
蟣蝨之臣愚而且蠢恭覩天日龍鳳之表時
然後言雖神之所依者有才可以當其職豈
敢素餐而具位必無生事以希功揣分過多
感息不少猶有綈袍戀戀之意自知履水戰
戰之虞伏願雖雖在官盛德之祀千百世禳
禳降福皇極之錫我庶民臣無任瞻天望聖
激切屏營之至謹奉表稱謝以聞

金闕謝受職表

臣 伏奉三月朔日制授臣九天金闕明道

達德大仙顯靈溥濟真人主管上清天文院
任宜行事臣伏以望瞻金闕伏膺帝命之新
名在丹臺躡進仙班之列恩光甚寵驚懼愈
隆臣誠恐誠惶頓首頓首恭謁高上玉清宮
逍遙快樂外有玄真境朗落光明象昭日月

之重翬瑞結煙霞之五色萬神朝禮三界齊
臨左龍右虎之森羅前鳳後鸞之鳴唱此天
上之所為樂非臣下可得而聞滅度轉輪千
機會悟自合脩齋行道庶幾證聖成真伏念
神怪茫茫塵居汨汨牲牲以祭徒知肉食之

謀黍稷非馨甘受素餐之列惟有依草附木
初無顯迹之功誤蒙不次之恩遽屬無靈之
鬼紫微宣詔帝座臨軒光近七星所照九九
千里位同列宿其數百十八名掌司祿於三
台佐文昌於六府德聚則賢人慶會斗覆則

卿四

八

年穀豐登老人現南極之中天下協恭階之
象皆帝之力於臣何功茲蓋伏遇 昊天玉
皇上帝玉陛下大德曰生蓋高在上雖是無
聲無臭實則有象有形鼓節麾幢曾發度人
之願執符御曆獨開體道之元丹書泄溫洽

之精英綠字薦榮河之祥瑞雷霆發號雲漢
爲章赫然有臨下之威付我以右文之選臣
某劔履上殿喜君子之得興袞黼來朝效諸
侯之薦璧蒙恩不淺蒞事惟勤臣無任瞻天
望聖激切屏營之至謹奉表稱謝以聞

玉闕謝受職表

臣某伏奉三月朔日制臣九天玉闕宣化扶
教上仙昭靈博濟真人主管下元地府諸院
便宜行事臣伏以玉闕森嚴伏拜天墀之近
金書褒獎特榮地府之除祗受寵私不遑

啓慶恭列寓步億萬千里合四海以同風周
天二十八星配九州之分埜三千世界一切
衆生屬星辰日月之所照臨無林木山川之
有高下均是人也真為樂哉願開紫陽雲錦
之囊得度王室丹臺之內雖太上不輕授受

卿四

九

幸賤臣所可參聞夙夜祇履精神對越伏念
臣非鬼為諂依人而行念欲盡齋戒事帝之
心終未免饕餮不材之誚石田無用塵俗未
離誤蒙制誥詔冊之榮特任社稷人民之寄
勸善懲惡罰過賞功有德者名紀南宮有罪

者魂拘北府掌三島名山之仙籍領五嶽四
瀆之真司欽奉載嚴兢凌罔措鼯鼠自當量
力巨鰲不足負息茲蓋伏遇昊天玉皇上帝
玉陛下萬象流形寵御極逆陰慘陽舒之化
擅春生秋殺之權帝駕翩翩衆星拱衛玄都
渺渺七寶莊嚴瑞開碧落之空歌仰贊玉皇
之眷號累蒙休命遂越等夷自憾何功過膺
抽擢澡身潔已致蘋蘩蘊藻之誠卜稼祈年
有黍稷稻粱之慶下符民願上答天心臣無
任感恩荷聖激切屏凌之至謹奉表稱謝以

聞作禮謹言

上天師表

伏以德隱南閩久席雲天之庇望息址闕再
瞻日月之光册命寵臨汗顏自訟臣誠恐誠
惶頓首頓首臣聞祠山曾現形於河瀆薦膺

大帝之封梓謹嘗降笔於岷峨侈拜元皇之
賀英烈以孝誠得道慈濟以樵冶成功若非
發願以度人何以超凡而入聖蓋有之矣豈
偶然哉顧我所行惟道為大况自太極之既
判有民人焉有社稷焉迨至五劫之云終孰

主張是孰綱維是茲蓋伏遇正一冲應神化
靜應顯佑真君心能靜應道達冲玄神而化
之則嘿嘿無為顯而佑之則洋洋如在以輔
國安民為念以垂科立教為心紫字金名標
記藥珠之籍琅函玉檢譯書鳳篆之文道法

卿四

十

先天學傳後世百靈是衛萬物所宗太玄十
五天下臨於鬼谷陽平第一治上應於角星
靈著古今事留史傳非臣下可得思議此師
道所以獨尊伏念臣某依人而行惟神是守
腐草同類朽木無文碑銘重辱於柳侯名謚

僅存於晉史藥石不辨那知馬淳牛溲爐鼎
未全安識龍鈿虎汞雖有救物之志初無經
世之材卜學君平習吉者姑告之以忠孝仁
義訓導尼父尚譏者以戒之怪力亂神以此
自謀莫知所效常謂妄作之罪無地可逃豈
意不次之恩白天而墜榮加官秩躡進仙班
受此以爲泰乎得之誠若驚耳泛大鯨之海
魄逝魂搖戴巨鰲之山德隆息重蒞職而後
慎事如初載揚懺戒之科自知狂悖不識經
文之旨尚異開明是皆出自師傳豈敢以爲

已力欽崇聖化宣布仁風上祝聖壽效嵩嶽
之三呼下使吾民膺箕疇之五福符錄之傳
也又惟願孫生子子生孫椒蘭之禮不恭獨
有道即心心即道雖犬馬猶知戀主豈螻蟻
不能致情臣下情無任望息惶悚之至謹令

卿四

上

臣某錄表陳謝以聞

謝天師表

真君奏職

臣聞道疆名曰大自虛靜恬淡而至於無爲
神得一以靈知進退存亡而不失其正發而
皆中誰使之然母乃夙幸之因緣可以乘機

而會悟臣申謝切見

九天靈濟真人人惟正直神則聰明非徒為
封土立社之謀蓋嘗發代天行化之誓脩齋
執戒素堅金石之心救物度人尤甚參苓之
效功烈如彼其盛文章可得而聞果承天寵
之榮獲進仙班之上籙迺於大洞簡宜稱
於文憑誰敢謂今受之是前受之非喜有得
一命而僂再命而偃訓辭播告瞻西去而莫
違父老驚嗟謂南中之罕見謹當昭謝豈曰
具文臣領詞意之勤拳望師尊而拜跪伏念

臣某忝居末學濫宰玄科老而無能深愧扶
杖作龍鍾之狀審而後奏尚虞投匭非切至
之辭仰賴仁慈俯垂恩寵茲益伏遇三天扶
教大法師几前廣宣大化普度群倫爲萬世
之宗師作衆生之父母分別人鬼黜陟幽明

既取諸公論以得人必不敢素餐而具位蓋
官占惟先蔽志龜筮從卿士從庶民從非私
昵必惟其能左右可大夫可國人可罪上干
於黃鉞言輕甚於鴻毛臣謹具

上田焦尾表

上言臣所部鄉民老於農者陳某等連名狀稱終歲勤勞民食所仰豈謂田禾茂上蝨賊內外心實憂惶禮當禳謝不堪恣怨敢弗奏聞臣誠惶誠懼頓首頓首臣聞去歲冬間南雪到地今年春首好雨知時此為隴畝田父

卿四

十二

之所歎呀皆曰豐年美瑞其有證應東作之民亦既勞止南畝之苗勃然而興尚冀秋成乃祈穀實胡為焦尾蠹心之禍誰無救焚拯溺之憂若不告於上天猶恐甚於今日或者臣之守此土也全無陰功是致斯民之失所

職歟莫能自責跼蹐知懼懣謝未遑恭惟

昊天玉皇上帝玉陛下念及黎元甚於赤子
苟一穀不升則謂之歉然一夫不獲曰予之
辜實可哀憐無所告訴徒作嗷嗷之狀莫知
善善之因伏念臣地下之蟣蝨不如爲言也

僭田中之螟蟥未去謂為何求靖惟帝怒可
回天心可格秉蠱投火先為去害之謀履霜
堅冰略識防微之意伏願消災肆赦推恩及
人使愁歎而為謳歌化妖殄而作祥瑞實堅
實好實穎實粟有大田多稼之可期或春

或掄或箠或蹂俾吾民一飯而受賜臣無任
望恩瞻闕懇切彷徨之至除已將蠱賊焚瘞
外謹令盟威臣呂某錄表陳乞以聞臣誠恐
誠惶頓首頓首

賀聖父瑞表正月初二日代鄉人賀

卿四

十三

恭以父者子之所天其尊可敬其嚴可畏王
之神也如水無時不在無往不通千載揚靈
一誠歸美恭惟

聖父齊王忠武真人殿下以忠報國用武立
功擇戶授封常拜碧圭之寵御王策命曾開

金匱之書威震淮江福臨衛郡昨日獻椒花
之頌紫氣盈庭今朝獲蓬矢之祥赤光照室
伏念某等叨居馬足久沐鴻恩瞻北闕以投
情指南山而祝壽更與一堂燕笑人人存親
睦之心四境升平在在享神庥之庇奉表稱

賀以聞

又

正月始和吉允符於翌旦九天稱慶喜共讚
於生神瑞氣雲浮歡聲雷動臣某誠懼誠忭
頓首頓首申賀恭惟

聖父齊王忠武真人殿下好是正直運乃武
文昔聞江左之名今聞閩中之跡四方冠冕
開日月之重華千載香燈等乾坤而不老稽
首拜陳於石虎奉觴敬舉於倪寬爰習野儀
用伸鄉飲有尊有卑有長有幼莫敢相踰欲

齋欲富欲逸欲安各符所禱謹具表申賀以
聞臣某誠忻誠忭頓首頓首下情無任極切
勤拳勤拳謹言

南宮表代男子祈安作

臣聞大道無爲孰究玄玄之衆妙生身受度

庶期劫劫以長存非凡夫可得而聞惟善人
常與之福切見某持身儉讓處性直溫偶磨
礪之不及致實沈之作孽遂伸懇切果獲安
痊自惟耳順之年適逢初度深謂頭童之狀
不及前時雖老耄以無能幸明真之有格經

卿四

十四

開玉局無非解厄之文教演黍珠盡是度人
之典如是功德可作津梁伏念臣濫忝道流
僭行科事何補元工之萬一敢陳愚瀆之再
三恭惟南宮上帝聖位仁廣大慈功疑不辜
分治九陽之妙梵結成三洞之靈文橐籥群

生胚胎衆類既付之形與貌必保其命愛其
神使靈根灌溉枝暢而葉繁使玄液結凝源
深而流遠無喜怒哀樂以亂吾性無是非利
害以惑我心飛度上玄斷除邪障列名丹簡
錄字青篇上推太乙之恩下慰斯民之望伏
願髮可轉白而為黑外傳不老之方氣乃回
紫而抱黃內得長生之訣更冀闔門昌泰後
裔興隆

又代女人預修作

伏以黃庭一經出於扶桑宮願聽魏夫人之

蜺堂畫絕長康壁泥新孔氏墻公輸就規矩
司服飾衣裳工逸事已遂碑成誠所望中山
拔毛穎震澤伐蒼筤魚繭淘沙淨鸞篋附翼
翔托言徒莽浪作事甚乖忙玄學知言凶金
科發秘藏文欽韓吏部句羨段文昌橫草功

卿四

十五

何有撞蓬力不量冢談傳陸氏閣記夢滕王
詩讚神生岳文非鬼嘯梁古書言可證祀事
禮宜莊繼聖猶專孟知天豈畏匡斯文如未
喪吾道豈能彰仰慕先生操爭傳君子芳挺
生文豹蔚舊厲步龍驤碧玉珊瑚樹黃金貂

尾璫隸精稱子敬書健抗元常倒水繹光耀
摩空氣慨慷獲麟將絕筆獻縞望投章靈德
慚孤陋高材為發揚如君稱令譽積善有餘
祥記在名俱在子忘神不忘愧無縑以賻介
以福襍襍

陟降散仙三島客縹緲虛無不可測魂魄毅
然為鬼雄惟爾聰明兼正直荆人尚鬼越尚
機春秋以來舊風俗我今處世何皇皇獨駕
窮途多感泣本無鬪心弄鈎槩誰肯媿然自
塞默學尊孔孟進韓柳力排佛老斥楊墨將

崇孝悌去竒褻欲反驕奢尚敦實咄咄書空
真怪事果信洛陽人不識吁嗟蜀棧高巉巖
岐首於菟互吞齒木中水上事不聞祇見鄉
原德之賊誰知暗室有神明甘與小人為鬼
魅剥剥啄啄門外聲孤鳴梟噪爭饒舌利觜

長距跨壇塲恠辭駭衆多詭譎詭鼎不卞膺
與真捧心豈料為人疾黎丘丈人醉且狂安
得扶竒不掌拍為謀不忠交不信遠舉雲中
沒聲跡琬琰不可焚崑岡芝蘭莫使混荆棘
善善惡惡郭公墟來事冥冥黑如漆天生明

翼不偶然只恐文章還斷絕東村先生何許
人前輩典刑推第一豐城紫氣射斗牛少年
聲燄猶赫赫江山千里月平分正好秋光涵
水碧世情反掌苦不常中流洶洶波浪激貞
觀丘壑謝塵物寄飯牛車歌白石危冠長佩

卿四

十六

鶴製衣高揖群公追甫白文章捷敏得我驚
斧鑿無痕地礮裂蛟龍海底弄角牙紅旗閃
閃青紅色鴻都碑文今已成車乘千輛填街
陌魚琴馬瑟會知音一臺二妙爭磨刺我慚
藜莧慘腸胃敢向屠門誇肉食商丘之未不

可棄落以斤刀引微纏人言一字直千金愧
無饋謝右軍筆石磯老人何貪恠十萬陰錢
大需索關西夫子不復生暮夜無能謝王密
嗇夫喋喋人所嫌頽頽汗背徒慄慄侯門如
海了不聞豈是閹人多限截敢使客卿作通
使大開太倉發一粒倘令祠宇甲天下萬口
一辭公之力青玉明珠不足報願言壽比南
山栢公侯子孫復其始好將此事做陰隲

獲麟歌

歌獲麟歌獲麟麟之爲名配乎仁牛尾馬足

齧其身煢然一角不觸人聲清音濁合律呂
行步折旋中規矩不履生蟲不旅行不折生
草居擇土仁哉麟哉獸之靈此獸一出時太
平滿謂太平當今日不圖今日不如昔不如
昔異物殊形常間出章義之山鳥如鶴名曰

卿四

十七

畢方生一足見則譌火焚人屋朝不敢爨夜
不燭又有鬼車號夜遊十頭十口連一喉翅
如車輪聲啞嘔血滴人家家凶憂天地生物
付其質何此爲凶不爲吉世情變態多好惡
聞吉則喜凶則怒吾聞凶人作禍殃尤甚鬼

車與畢方仁哉麟哉不復見安有吉人日爲
善吉人獲福凶獲禍禍淫福善天之道武孫
車馬遇大商獲麟於野爲不祥賜之虞人問
孔丘孔丘感麟作春秋春秋之教以爲中胡
爲絕筆以爲終仁哉麟兮時不遇絕筆之說
吾道窮孔丘已死數千載世道不古誰感慨
吉人凶人吾不知褒貶幸有春秋在斯文未
喪求諸神托言垂世猶丁寧吉人爲善善是
勸凶人爲惡惡是懲孔丘聖人莫與衡姑且
絕筆歌獲麟

絕筆歌

人生栩栩夢華胥
憧憧往來為利趨
孔孟已死不復甦
仁義之道為何如
斷蛇帝子握乾符
隨何食其罵腐儒
平生不讀半行書
朱輪華轂大門閭
爭誇駘斛富金珠
一擲百萬喝

曩盧月智耗眊莫睚盱
重譁尹喞言朱朱覆
醢不食謀何踈魍魎
青影見何愚謾行作賦
比子虛着視滌器自當
爐投關幾死揚大夫
滑稽落魄魄無廉隅
文乎文乎何無之喪乎
安得窮鬼不拍手而擲
揄吾故知夫伯鯨之沉

於羽水兮化為玄魚叔之虎目豕喙兮死於
貪汚楊食我之為羊古氏之禍兮母聆其孤
神乎神乎深為世道之憂者乎設卦以斷吉
凶兮何須算竹來庭除正直以為德兮何須
椒桂擊搏櫪文章以為言兮何須三寸掉張

卿四

十六

蘇嗚呼知變化之道哉其知神之所為乎君
不見文潞公之修江濟廟兮夢有感於成都
种世衡之致廣梁於澠池兮用搏手者為前
驅又不見于寶之撰搜神記兮號為董狐彼
何人歟彼何人歟輒敢論鬼為虛無豫章太

守之談春秋兮喪其軀牛渚磯之燃犀兮幽
明異途已矣乎已矣乎獲麟之筆絕矣吾不
復言乎唐虞

梁父吟

青布變成羅古識人皆曰星纏應斗牛分野
屨問粵左揖巨靈鰲峰巒聳硤右揖方山
巖石壁高岷岫潮水出天河盈虛取松月一
日一來朝回環江刺屈黃氏撥沙經沙形象
魚鱖又有麗伯韶圖經作桴筏三峯聯昂峙
平地起一突郭公青囊書此爲鳳穴窟風水

官九署明檢鬼營說法聞經使億曾萬祖飛
昇金闕憑茲功德作是津梁伏念臣齒豁頭
童可厭龍鍾之狀位卑職小深虞駑蹇之材
領職主行以言敷奏夜動之胤祇有畏人大
僇之以慚不敬墮越無地僥倖自天敬蠲臣

卿四

十九

下忠懇之私爲見人子孝情之重今日奉為
孝女某痛念亡考某自經一死竟覺三週累
欲追脩莫符願望切見亡靈背疽不救終為
二豎之所迷心術毋欺何迺三彭之是潛向
者溥言胥動謂之陰隲有虧竟墮冥途莫知

解悟無奈人鬼之阻間隔初非耳目之所聞
知在於縲紲之中公治長非其罪也受以董
公足辱司馬遷豈無悔哉重念臣忝廁陽官
莫知陰憲為人湔洗顧已憂惶聲觸雷霆有
似能鳴之鴈望窮江海豈無漏網之魚蓋呂

命嘗審於五罰五刑而周官亦有此三宥三
赦無以效木蘭之孝輒敢上緹縈之書曹曹
如燈焰之蛾生何所托纍纍若喪家之狗情
實可伶恭惟

聖位發誓慈悲尋聲赴感號獨尊於太乙

光普照於三千東極妙嚴宮曾現紫金之相
太玄無邊際嘗聞大洞之經願作衆生緣能
救一切苦伏乞疾除罪簿遷神於北府之中
選敘仙僚飛寫於南宮之上

徐仙翰藻卷之九



